



Ina donaziun per l'agid da sura

Linus Flepp ha regalà a la caplutta da Puntreis set dissegns da «sia» via da la crusch.

4



Cun il fagot artistic sin visita

L'artista Sophie Innmann vul visitar Engiadinais ed Engiadinais e crear ovras ensemen cun els.

7

südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 10, redacziun@fmr.ch

■ ENGIADINA

Dvantar l'Engiadinais il plü pussant

(fmr/afi) L'americana Elizabeth «Lizzie» Magie til vaiva inventà: Il gö da tabla Monopoly. Sper la versiun da standard daja numerusas ediziuns regiunalas. D'incuort es cumparü il Monopoly Engiadina.

«Impè dal 'Paradeplatz' a Turich es pro quista versiun la Via Serlas a San Murezzan il

quader il plü custaivel», manader da gestiun e da comunicaziun da la «Unique Gaming Partners AG». Cun ün pa indschegn e furtüna as poja eir pro la versiun engiadinaisa dvantar üna persuna pussanta.

> PAGINA 7

■ GRISCHUN CENTRAL



Il pli nov tren dalla Veiadafier retica.

FOTO SWISS-IMAGE.CH/ANDY METTLER

Noms da muntognas

(fmr/gns) Anfignen igls 2024 survign la Veiadafier retica 56 novas cumposiziuns da trens model «Capricorn». Investos per chella compra vignan 534 milliuns francs. Per la produziun da chels trens segna la Stadler Rail SA da Peter Spuhler. Diesch da chellas cumposiziuns da trens ò la Veiadafier gi retschet. A Filisour è sto igl battemim digl amprem «Capricorn».

Scu tots igls oters 55 trens ò er chel survagnia en nom d'ena muntogna: «Piz Ela». Cunsigliier guvernativ Marcus Caduff ò fatg varsaquantas cumparaziuns tranter igl capricorn e la Veiadafier retica. Igl capricorn seia en animal impressiunont e robust. Chegl ins dastga er attribueir alla Veiadafier retica.

> PAGINA 8

■ SURSELVA

Secund Di medelin

(fmr/hh) Tgei svilup duei la Val Medel far ils proxims diesch onns? Quella damonda ei stada el center dil secund Di medelin a Curaglia. Exponentas ed exponentas dalla vischnaunca han orientau vischinas e vischins, sco era las possessuras ed ils possessurs da secundas habitaziuns dalla val. Sin differents posts ein projects realisai ni sin rucca vegni presentai. Tenor las autoritads

comunalas duei la Val Medel esser era igl avegnir in liug attractiv da habitar, mo era cun bunas premissas per l'economia. Per contonscher quella finamira basegna ei denton glied aviarta per innovaziuns, mo era la prontadad da cooperar. El decuors digl onn passau ein differents projects vegni realisai ni concretisai.

> PAGINA 3

Survesta dalla Ruinaulta

Publicaziun da Martin Bundi permiert

DAD AUGUSTIN BEELI/FMR

■ Sonda suentermiezgi ha la Lia Rumantscha presentau in pign cudischet digl autur Martin Bundi permiert. Martin Bundi cumpleness ils 19 d'october siu 88avel gi da naschientscha.

Paucs gis avon ha la Lia Rumantscha rendiu honor ad el cun ina broschuretta ch'el haveva preparau cuort avon sia mort. L'occurrenza ha entschiet cun musica mistic-sensitiva dalla bassista Martina Berther. Ils tuns ein s'accordai cull'atmosfera ella cuntrada. Buca orchideas, tieua e cots d'uaul, mobein ils aspects culturhistorics ha il commember d'honor dalla LR vuliu intermediar. Il manual dalla Ruinaulta vul render attent con fetg che nums da funs ein colligai cul lungatg. En sis capetels suorts e concis dat gl'autur la survesta.

> PAGINA 3



Martin Bundi descriva en sias brochura aspects culturhistorics dalla Ruinaulta.

FOTO SUSI ROTHMUND

«L'avantatg da viver en Engiadina è: ins è spert a Meran.»

Fadrina Hofmann davart l'alternativa da La Habana en Cuba – apunta Meran en il Tirol da sid – Pagina 12

Il vin da Tello

(fmr/abc) Dapi 1255 onns ei ina vegna documentada sin in areal a Sagogn. Silla spunda sur il vitg dado da Sagogn han ins cultivau il vin che vegneva sin meisa e sigl altar digl uestg Tello. Suenter che la tradiziun dil vin fuva ida en emblidanza ha Aron Candrian plantau avon otg onns ina vegna silla spunda da Survilada – cun success. Il vin cul num «Resvegl» ei denton limitaues perquei ch'il cataster grischun escluda la Foppa sco regiun da vin. Pagina 5



FOTO WWW.RESVEGL.CH



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch